

詩

通

詩道自序

經旨為句說所淆多矣猶不能淆毛
氏詩何也詩之義或顯言之或微言
之或正言之或託言之或反覆言之
或恭維言之總言人情所欲言而又
以韻為體章各分韻以叶成章依味

諸聲情指自見冰若他經專說道理
任後人之難溪極微以刑合者也紫
陽氏說詩亦重叶韻說道理處絕少
故所集詩註比他經集註特長至微
不滿人意者止因忽於所謂微言託
言岐變風刺滯之語槩認為滯變雅

述美之判即判為美耳。要至卷之止
在詩振而於詞義無礙。依文析義原
是舉業家語。而詩義無欲以其聲韻
度為筆下之韻。合詞義安所求之照
少。從先子受詩。以是口傳。先兄則畧
標大指於書頭。今予更將朱傳尋釋。

無從見所謂講說也已丑始從錢氏
塾得一二種畧處則畧繁即太繁裏
以臆見附於先兄所標之後於考證
猶寥々耳後見晉陵徐氏翼說乃思
涉獵序傳箋疏摘空粹者筆之嘉偶
有會及有聞於友人皆筆之他如商

周書之通於雅頌在國之通於風三
禮之通於祭祀燕饗者隨閱隨記積
之數年書頌塗詎殆盡無非期擬管
寸微有根據不致純謬畢露而已後
先錯雜未遑恤也壬子北征付兒曹
分錄以當工課稍有倫次遂為書肆

物色因予告以果欲求本須為伊整頓一番而止休沐之辰擬依紫陽子車小註補以爾雅毛傳鄭箋孔疏為註而逸者次乃錄紫陽總註託以小序最後乃綴以家庭而聞與管窺所見今而成編使讀者一開卷而專門

訓詁與大儒把柄了了不在目叅觀之
證於經學不無少裨而俗緣黜之亦
休迨夢我既廢心緒鬱然不堪作此
瑣細工夫無以謝肆中人聽予持初
稿玄德之近世經學無非為閨中四
義作計厝意甚逸取資甚便如予向

之粗如料理間有筆記即已是迂是
愚矧愛我多乎哉風雅未淪淵博代有
揚花緒正何患無人姑識予初志也
戊午夏日海虞陸化熙羽明甫書於
用拙齋中

詩通國風卷一

海虞陸化熙羽明甫雜識男

休徵

編錄

關雎

此詩全是宮人寫其一見后妃欣喜不能自己之詞。蓋平日見君子之德已真。而求配適得此淑女。一時思想如此。君子真煩得如此人配他。而如此人豈容易得使。或宮中人向何處去求。除非是夢想。全幸得之。豈能不愛且樂而

無可并寫。有托之琴瑟鐘鼓而已。一意而情詞曲折。正是
風人妙境。若如使人說詩。認定未得而憂。既得而樂。則此
女之窈窕。見之且難形容。未見豈能懸想。憂從何生。況大
邦有子。文定吉祥。其來已非一日。亦何事懸虛勞。以寤寐
為哉。朱注于求之友之樂之。俱下則當字最識此意。
關雎。雎鳩一句。已起得窈窕二句。在河之洲。不過以足上
句。而洲字與述字韻叶。窈窕。訓幽閑之意。便見非幽閑。可
盡。添出貞靜。又屬窈窕源頭矣。幽者。淺露之反。閑者。輕躁
之反。不可指為德。亦不宜直指為容。大約就容儀動靜間
摹寫其德性。若此。淑亦是渾成字。不須頂着窈窕總之女

字。及君子字。俱不可不認。得女字。則知太如許多感德。俱舍其中。而全無形迹。認得君子如何面目。自知這箇配匹。為恰好。凡所謂和樂恭敬。及宗廟內浴等語。與窈窕好逑。全不相干。女上加一洙字。逑上加一好字。便躍然有喜樂意。

苕菜柔順芳潔。可蓋神明。故以興淑女之當求。左右流之。只是沿流去求。未有定方。且未見有苕菜可採。故以興未得而求。寤寐求之。然括下求之。不得四句。服與服膺義同。轉之留者。欲轉而不轉也。悠哉悠哉。寤寐求之。服與服膺。起下輾轉反側。俱跟寤寐求之句。一直說下。以形起。既得之喜。

○左右采芣，無所不用其采，與束芣也。故亦曰無方。友之樂之，是自家友樂，泚女之情，借琴瑟以寓之也。琴瑟絲麻，有旋繞相順意，則去親愛，鐘鼓金車聲，有宣揚蹈厲意，則云娛游，不分淺深，亦非所謂尊奉無已，只是心上懽忻湧躍，不能自己，而如此疊味耳。

芣車

此詩說者多，以治芣為主，尋味語脉，却以為特歸寧而追叙芣之生成，與治之，事如此，蓋后妃以親親女工為常，何知其久且勞，只是一日未畢，一日不得歸寧，未免隱隱同情，則殊覺其成為可幸耳。如此看，方見渾然語脉，而諸

美自備其中。若依時說，則視葛反似太難，而帶上歸寧，政似贅疣。且幾于自誇孝敬矣。

黃鳥飛鳴，只閒三點綴。萬歲時光景，非必以此勸女工也。思也。註中鳴于其上，亦不必泥。是刈二句，正所謂自就其勞。然須看得活。若認后妃身到各中，手自斬伐，一絲一縷，皆親為之，則呆矣。當作親董其事，如三縠之類。看服。最是預道其心之所期如此，非就括機時言也。註意不須入講。大約勤勞愛惜意思，俱在言外。

古者婦必有師，以學事人之道。所謂姆也。告師氏，是以歸寧告之。告言歸，則師氏轉告君子也。私衣札衣，不必是葛。

害、辭、害、否、卑、承、礼、服、言、只是、自家、料理、非、與、師、氏、商、議、薄、
與、此、同、詞、與、楚、詞、寒、典、卷、一、例、不、必、認、是、畧、龍、其、工、無、取、過、
飾、註、中、且、曰、字、是、體、會、后、妃、自、擬、聲、口、兩、將、字、宜、玩、末、要、
際、收、幸、得、葛、成、意、思、

卷下

采、物、登、高、然、酒、松、是、托、言、以、嗟、我、懷、人、為、主、真、彼、同、行、真、
采、者、于、不、采、也、中、間、二、永、字、有、意、蓋、君、子、亦、安、能、不、思、只、
要、稍、寬、懷、耳、姑、字、亦、有、深、味、馬、是、駕、車、者、僕、是、將、車、者、
云、何、吁、矣、言、我、當、如、之、何、其、憂、嘆、乎、憂、嘆、之、極、也、松、采、上、
三、章、只、是、一、意、層、一、登、言、之、○、首、章、不、是、已、采、物、方、嗟、懷、人、

淺三章亦不是因登高不得。方思酌酒以解。總為懷人在念。則采物登高飲酒。都無興緒耳。意言在外。

樛木

三章總以卑順受益為興。樂只即指逮下之德言。脉々在衆。妾意中而不出。諸口中。履即踐履之履。視履考祥。自然行與吉會。故不曰操而曰履也。繫是繫于其上。綏有保定。孔固意與緯繫相似。竟是偏覆。將有陰扶。默助意與偏覆相似。繫是旋繞之周。成有萬福。完聚于躬。無有缺隨意與盤旋相似。通篇意無淺深。而層疊歌咏。藹然見無已之願。

蟋斯

此詩傳是嘆和氣之致福而層疊言之說。蓋斯即是說后妃不須另點正意。說上群聚之和也。既化而齊飛。則和聞于聲。故曰亮。既飛而欽翼。則和見于形。故曰輝。子孫是已。然事故曰宜。振上以壯盛言。經上以生育不絕言。藝以盤聚無盡言。字畧有別通章精神全在三箇宜字。

挑夫

挑之夫。便含着時字。守貞待字是正。嘉會合禮是時。詩中無此兩意。但當時風教之美。大都如是。而詩人見此于歸之女。想見他是一個賢女。故嘆而美之。

兔耳

此詩不須泥賢才衆多。只就所見。且免武夫之才。層疊莫
美之耳。註中雖字猶字俱贅。且免即如華野之耕。渭濱之
釣。豈是賤業。古人出爲名世。處即守其常職。大率類此。要
知因所事以起興。不可講像賦體。丁丁干城。止韻叶。中林
腹心。便相關矣。施置不一其處。與干城好述腹心。不可一
端窺測。亦復相應。察得破時。則堪受干城之寄者。豈不即
是好死腹心。

肅。是網罟。網罟目張之象。我謂之極。極。極入地。張罟其
上也。赴。非贅詞。以大縣摹他武勇之狀。亦不必謂是推
磨少文。公候二字。亦要認。蓋才只堪對付別的人。猶無奇

耳。公侯何等謀猷。蘊藉猶足為其倚重。與之匹休。甚至猜神契合。是何等樣才。干城是借用字。大約就壯猷。碩范。足以折衝禦侮。說杆外衛內。一串看。決不應作匹偶說。即元首明。股肱良。有是君。有是臣。意腹心是情投意契。足任公候心膂之托。非即是同心同德。亦非止謀猷相合也。好述腹心。絕脫才字。不得。

采芣

小序曰。采芣。后妃之美也。和平則婦人樂有子矣。疏曰。天下亂離。兵燹不息。我躬不閱。豈思子也。今天下和平。婦人知此。方見采芣之采。非無為。而相樂亦有振除。

却平。賦其事外。別無相樂意思。果有擬將枯槁逐字緊頂直下。極者拾其穗。得則取其子。而棄其穗矣。枯槁須想其無心自適之狀。蓋初出時。未嘗慮及何以多取。何以携歸。隨其采之多而處置之耳。和平無事先景。遜于書外。

喬木

此詩要識得反覆嘆美意思。適重在不可求上。興以喬木。趙楚皆取高潔意象。不止漢廣江水。見渠不可犯也。註中端莊靜一是想像其所以不可求。全就游女身上令人望而知敬說。善終作求之不可得。則詩人自處地步先低矣。不可泳不可方。亦緊承着漢廣江水不為泳之方之者說。

陳以絕流橫渡言故屬廣。若以順流上下言故屬求。
刈楚有愛其趣然于薪中而忻然從事意之子于歸二句
是預擬之詞。從來將秣馬作顧馬執鞭亦所忻慕一側迴
禮雖工終屬未妥。此還是以禮適人馬服却良光景而不
可要求意在其中矣。

平：看此詩則不可不求思之求。正是求我庶士之求。故下
二章遂言之。子于歸。蓋求之而自歸也。與吉士誘之不同。
秣馬是于歸時實事。說詩者只為欲見被化強為秣馬之
說。看詩人語却夫巧。不知即如此看其被化亦可想見。

汝墳

此詩曲盡久役初歸。慰籍情狀。註中追賦。只指首章言。道章亦不專重父母。此是慰解。積勞之深情耳。○伐條枚條。非為紀時。而時序自見。墳訓大段蓋防以樂水。其狀如墳也。愈訓幾意。參小弁訓。思兩義方備。蓋人饑而思食。其意愈然。思君子之切。如重饑而思食也。便有恐避棄意。棄不是拋撇。賤下王室如煖。真有旦夕難保。相見無期之慮。此以自慰。下節遂慰君子。

取前訪魚。見君子筋力之弱。頽尾。見形容之憔悴。蓋二年之別。覺顏色有大異。去時者如煖。就使事不息言。父母本慈祥。懷保說。孔還即有怙恃。可瞻。可依。意蓋民望仁君。

在上。近。同。近。也。遠。亦。近。也。不。作。地。施。亦。不。須。說。到。忘。勞。還。是。慰。以。身。雖。已。瘁。投。雖。尚。繁。猶。有。父。母。可。恃。賴。耳。

麟趾

全詩以親疏為次第。麟性仁厚。文王后妃仁厚。是上一層話頭。只重在以麟趾定角。與子孫宗族上。如言仁厚之化。濟于家庭。便是于昭麟兮。是直以子孫公族為麟。非莫其同于麟也。王者之瑞。亦自麟而言之。文王方服事殷。作詩者豈如後人稱說符命。預期以與王。須說得渾融。

鵲巢

婦人之德。無非無儀。故取興于鵲。性之拙。通詩未嘗能出。

德字。而其意有此。或禮者。則德也。君之謂始來。報之。方是
居之定。盈是居之滿。詩本以鳩言。註言與。腰姪娣之多。則
以詩之寓意言也。御是夫家。將是女家。成字無送迎。而成
于歸之禮。言見得無賸儀。無缺典。非止成送迎之禮也。有
而雖是車。而儀從俱載于車上。故註又指出娣姪以貼興
意。章旨却不重以。

采蘋

序曰。采蘋。夫人不失職也。夫人可以奉祭祀。則不失職矣。
註所謂能盡誠敬。前則會于采字。用字中。後則在僅。和
初上見得。然要見公侯主祭。夫人相之上意。祭統云。君純

芻豆于所階。夫人則禘立于東房。登執鸞刀羞饗。夫人薦豆。即所謂用之公侯之事之宮也。事在宮中。先事浚宮者。先戒其事而浚入宮。入宮而後薦。而浚饗。禮之序也。亦以為立言之序。

于以采芣二句與于以用之二句。芣相呼應。芣曰于以猶言往以也。重躬親意。然不必泥定親往使人取之。而身重其事。即是躬親。芣似艾。秋香美可生食。冰水產。沼池之曲者。注即池中之注。猶云采芣于沼之注也。爾雅曰。小洲曰沚。公侯祭祀之事。不止薦豆而芣則于此用之。彼之二句各一章。說下言如此其悚然。乃夙夜在公以

薦藥也。初、亦然只重儘、初、風夜旋歸、不須多說。儘
懂者、步雖移而彼不動之狀。初、者、行有節而被無意處
之意也。俱要照與公候之、敬相協意、昧晦未分為夜。天光
向晨為風是一時事、非自風而夜也。凡緊必晦入晨出家
禮所謂發明行事。

革蟲

全詩以未見而憂作主。革蟲阜螽薇蕨是一時所感。皆君
子去時所未有者。而今忽見之故曰突見者。見其顏色觀
則有接遇密遇意矣。冲、者懸而放不下降則放下字義
深相叫應。懷、而恍傷悲而喪皆然。亦既三句是擬謀之

詞則字範重必既見既觀。我心始降。而今猶未見也。使我如何不憂乎。陟山只是起下采物。不重望君子意。夷平也。心傷悲則失其平。不傷悲則平矣。須知盛時獨居之憂。其詞氣與衰世迥別。

朱蘋

此詩以有齊。一句。創攝上三章。采而盛。而湘是循序。簋菴釜各一器。不相混。是有常。嚴敬整飭即此意也。大宗大夫之始祖。蓋諸侯自嫡子以外皆為別子。別子始為大夫。繼別子之嫡子。世為大夫。則立廟以祀之。是為宗室。若諸侯則祭于都宮。大夫之別子。則但為繼禰之小宗。不得

祀于宗室矣。室制南向。而主皆東向。室西南隅為奧。神靈所棲之地也。所尊者居此。故所奠亦在此。莫是陳設此。瘞瘞尸之。藻頂奠字來。

升樂

此詩為思召伯之德。而絕不道出惡德字。并愛樹。亦不知何以愛至此。說詩須會此意。斧斲曰伐。手折曰敗。低屈之使不得遂其生曰拜。字義愈淺。愛意愈深。勿非禁止之詞。純是不忍意。是上召伯句。是直指此樹之當愛護。非推原所以當愛也。莫是說只是循行時偶思其下。不作布政于其下說。

行露

全詩終是女子自述其守禮遠嫌之志。不必認作絕人語。下章亦非是怨語。大抵強暴有求而不得。遂起訟獄。雖其貪淫之常。亦女子之妄動。有以致之。故平日須以禮自防。即人以非禮誣我。亦只是以禮自守。行露風夜。俱是寓言。遠獄遠訟。亦未熱事。合而觀之。則畏多露者。即畏雀角鼠牙。一流人。不畏訟獄者。即多露沾濡。無素戒之不出何也。○風夜只是清早。不必分風與夜。雖謂二字。不是就他人言。當時召伯聽訟。何至使貞女被誣。猶云那個說道雀無用。他將甚麼來穿我之屋。明謂雀之穿屋。不待有府也。強

暴之遠入于獄。豈待有家哉。角者鹿。嘴尖也。牙為牡齒。是齒之大者。惟有味而無角。鼠有齒而無牙。今穿屋穿牆。事則可疑。實理之易明者。雀鼠食物。故取為強暴之興。無家速獄。益多露之可畏。至于此。只是能不夙夜以自取辱耳。盡其在我。則訟獄自可聽之。

羔羊

羔裘大夫。居私朝之服。私朝與燕居不同。縫中突兀為純。有界限謂之緘。合二為一謂之總。總是以絲縫裘。因以為飾。委蛇義取委曲和婉。與逶迤義亦相通。服有常。即是節儉。若正直。則在委蛇上一層。蓋惟其正直。方能從容自得。

也。正韓詩所謂心志既定，舉無不中，神氣自著，故能委蛇而自得。說此詩，只須順文體貼，自然見得節儉正真，不須推原。○革者，毛毯而革存也。絳者，革敝而絳見也。晏子一狄裘三十年，必希革而絳見，亦是一証。

較其需

序曰：敝需勸以義也。召南之大夫，遠行造政，不違寧處，其室家能憫其勤勞，勸以義也。

三章一意，無淺深重，思念意三。何字策可玩，敝，輕重不勸聲也。需，照上斯字。南山，照下斯字。在，照違字。敝，照莫敢或違，此反興也。行，無二三。曰信，無刺薄。曰厚，下振。二

字有許多思想深意。早畢事是朱子代婦人周旋語意。亦不以私廢公。亦本小序勸以義意。

標梅

此詩一節。味一節。然皆一時之言。蓋恐懼之心勝。不覺言之轉切耳。標梅是梅之初成實而落者。蓋花繁實多。始結則僅可存十之七。久即僅存十之三。正施夫已過時也。其作標梅者。傾筐堅之。亦是違遠意思如此。未必還是實事。求其重在以禮上。迨言迨今。皆是行婚聘之禮。謂則始先定約。俾使禮行。即所謂父母之命。媒妁之言。曰底是未定之詞。士是知禮義之人。迨有違。恐晚之意。正其親上自

守之深慮也。

小星

詩意重感。夫人使得進御。而語中他不露夫人之不安。與已之感恩。只以勤勞歸之于命而已。安命正其感。感深處。一遭破便無蘊藉。即說命亦湏得心和氣平之象。若少減切。便似怨命。要認兩實字。有點然尊奉。毫無牽強意思。后為太陰之象。妻特借其餘光。以自耀。故取興于星。以稀星三五之少。與風夜往來之頻。原有取義。見星而往。是夜而初昏。見星而還。是夜而特旦。往來總在暗中。雖風亦是夜。故曰宵。在此而句。似是勞苦語。而承恩正在此際。但親

夫人專夕之違則不同耳。

前章言在東而參昴舉西方二宿是東西對舉以參昴二宿與參昴二宿亦有取義蒙上在公言。○按內則所謂妻不在妻御莫敢當夕是不敢當后在君所之夕也。后在君所正內治五日一休嬪始與其御進雖值后之不在而其御日莫敢當之非以通宵進御為當夕也。見星往還仍是通宵但違子女君五日休沐之期又必女使授環致齊澣濯進慎自衣服以及蒸展進則承恩寵于貫魚掌即叙于燕寢退則候鵲鳴妻于階下夫人鳴珮玉于房中告之比女君多如許敬慎勤勞尤於與相即掌御叙于燕寢事也。

余禍是君所寢夫被女卿或抱余或抱禍以進于君是其職也。但使值女君之妬忌則難於循其分以致其勞亦不得矣。設為可幸。

江有汜

此詩作于迎時。全。是慶幸之意。三不我虞。辭氣和平。與客止三句。江決疑于長往。而到末猶然漠入。江流似不能容二水。而有峻則諸亦以成。江之水似不能波及別處。而流長亦有別深。總見不能獨行。反與嫡之偶然獨行也。悔慶。嘯歌。皆是膝行時。還想正嫡如此。于禮未安。故悔。幸與禮合。故慶。未安則憤。故嘯。已合則樂。故歌。嘯歌一順說。側重。

在歌。○諸侯之媵八歲備數、十五從嬀、二十承事君子。未
任承事則還侍年父母之國。

野有地麇

此詩三章語意只作一章起伏。春者天地交感萬物孳生
之時。聖人順天地萬物之情。令媒氏以仲春會男女。過此
則標有梅矣。是以當春有懷。興意言不潔之物。取之尚以
茅色。况女子懷春乃情之正。而願以非禮誘之乎。次章以
三句興一句。是詩之變格。如玉依註以色言。亦有不似。標
飾。不似。然深意思。以漢椒藉死康而束以白茅。見人之厭
惡也。女而如玉。則係人之欣喜矣。而誘之則豈禮哉。便起

下意舒而脫上。非教他以禮來。分明教他莫來。猶云爾且度禮義而無急遽也。無感悅。是不得近身無使老吠。是不得近家無字。猶言不得如此。○序曰。野有死麋。惡無禮也。據此則末章是詩人托為女子之言。

何彼穠矣

此詩要會詩人望見王姬下嫁。聚觀贊嘆光景。不挾貴執婦道等語。此際具無用處。却須倒送平王之孫一句。認出王姬來。平王即文王。以德能平正天下。故名。肅雝是文王家風。為其孫者。豈不能敬且和。而無從見王姬。何由見其和敬。但見車之馳驅中度。和鸞中節。恍然想見車中人之

敬且和。故設為問詞。以為此之肅雍。乃為是此人所乘之
車也。不驕是肅雍前一層話。執婦道是雍肅落一層話。下
將平王二句。反要咏嘆。亦不必泥著婦道說。只為前一乘
是親迎之車。後一乘是下嫁之車。則平王之孫齊侯之子。
豈不俱在眼前。此其家世何等稱。昏配何等合。故興意再
發。前問俱有答。嘆賞意象。言男女之稱。而先女者。先君
而後臣也。言婚姻之合。則先男者。先夫而後婦也。次章重
三候二字。末章却要輕此二字。

騶虞

此詩只是即春田所見。而嘆仁心之自然。凡至仁無心。群

生廣類即其心。有一物之不遂。固屬慘傷。求其物之必遂。亦屬勉強。惟滿腔是仁。而物各取之。如彼為葑。為杞。為匪。自莖自蓄。而我若無事焉。乃見仁之自然。故直以勝虞嘆美之。推本仁恩及物。便落仁心後矣。更推仁民之餘恩。益贊度下吁嘆。亦不用轉。

葑。澤草。蓬。陸草。四矢為一發。偶一矢。叠發。乃得五靶。

栢舟

全詩並未嘗有不得于夫字樣。末有二句。只是一堅貞。為質。失其所依。因此備受侵凌。只有隱憂而已。次章亦原具汎流情景。隱石匿席。不離栢舟意義。情上二章。正是隱憂。

中若起，不得不明；說出也。

前二句，只一亦字，便含愁無限。耿三句，一氣直下，憂而曰：隱有未易語人意緒。大全云：人有所憂，則其心昧，然惟于憂之路上分明耳。其他固不及也。本是隱憂，而加一如字，悽愴更深。

不可以茹，只寬之，就不能揣摩物情變態說。暗引起下章自反意。以身事人，原無以兄弟為擾之理。忽而見憫，庶無故疎棄之情，猶可稍紓耳。怒非情薄，是以正義相責，不可如兄弟說壞。

不可轉，是安貞不屈撓意。不可卷，是正直無詭隨意。全篇

為留全備而從容中體為閑習。為二意。總是操之。此六語。
是展轉求自己。所以無依之故。非揚已也。與上節。匪鑒相
應。

要心悄之。根自反無缺。而不得所依來。此雖群小。懵然相
待。亦難自寬矣。而見我無依。方且以愠遇我。反若得過于
彼者然。由此媒藥中傷。是謂親閑。由此而褻慢侵凌。是謂
受傷。且不止一朝一夕一言一事如此。上坐情所難堪。所
以思之而掛心也。靜思對人前。隱忍言。有取寬苦根因。一
奔撮到心頭之意。繞寤便掛其心。自怨自艾之。
這訓更直。是更易。不止更代。日月非真更迭。而所以已。

意欲說言之。心憂二句。承上起下。如匪解衣。極形容不得
句。如之狀。註中煩寃。是心煩而身屈。賸眊。心皇惑而亂也。
不能奮飛。是憂之極。而為一決絕之詞。非幾不可去而安
之也。然如匪句。自得其解。○按小序曰。柏舟。仁而不過也。
衛頃公之時。仁人不過。小人在側。則此篇未必是婦人之
詩。

蘇衣

此詩比柏舟。極于群小不同。全是憂夫婦之變。而思善處
之道。首以乘。乘比幽顯之失序。次以上下比尊卑之失序。
心憂。不須推其流禍。視下兩章。只思處變。則憂亦陳預各

章上文遇更難處為是。出微是安置廢棄之意。既已出微勢必至妻居其上。不必拘夫所益甚。

沈平齋云。黃綠皆自然之色。不可相無。貴于各得其所用之道耳。求得作者婉約至意。

綠作爲絲。所以治之。妻惟少艾。所以嬖之。此人情之自然。莊姜已體察到此。不用註中汝又二字。至自此于寒風之絲絃。蓋怨已諫人之極。不待取法古人。已能泰然安之矣。前思古人。根姜之見嬖來。蓋嫉妬由此而生。未免廢失其宜。已先有過。故思古有廢過此等事者。庶法之而過以免。後思古人。根已之過時來。蓋自描冷淡光景。原無爭寵

之心故思古之善處此者。若我有此意。而為古人先得。如解字與實字還相呼應。下一實字。覺有欣然會意情景。

燕燕

通詩以于歸兩字為主。之于于歸。以夫亡也。以子就也。歸極苦矣。而送其歸者。道際同之。危疑方迫。悲人亦還自悲。此豈若尋常臨岐。但步上惜別而已乎。故前三章言遠送。言瞻望弗及。意皆襲襲。不敢說出。而未章言任。只言先君之思。有足與自己關切。深情畢露。但詞若思仲氏之賢耳。○燕宿則相向。飛則相背。故取為離別之興。每章首言燕。燕便影帶已與媽相依光景。是此者一先一後。相隨而飛。

也。頡頏飛相上下也。上下其青。其青相應和也。皆取其若不忍離。大歸者。一往而不返于衛也。作文說不出此意。而却要會此意。婦人迎送不出門。別有深情。是以遠送。此別堪為愴哭。而州吁方阻兵安忍。則有泣而已。佇立有去者已去。送者未回。躊躇路岐情景。實字絕有味。政見無限苦楚。都在心上。而口說不出。亦微逗下思其賢意矣。廿是以恩意相孚契。在平日嫡妻相與上。卒提此字。便見感念。因而念其立心如此。持身如此。淑慎謂善能謹守其身。溫惠即其事也。心之塞淵。又溫惠淵慎所造出。終字亦認。先君二句。是追憶其平時相勗語。此意。的是所見者。

大所期于莊姜者遠而又深合莊姜本懷故最可念。

日月

此詩重不見荅意以定字為骨定正典回惑反呼日月取其容光必照有以燭閨門之隱也其呼父母亦是呼日月之詞每章末二句俱有其章一悟意不古處即是心之不定而不我顧胡能二句蒙上句來末句又緊根胡能句來顧養顧也好和好也德音是言詞顧我則笑之類然皆出于戲慢故曰無良猶今人云佞好說話耳言我不卒猶今人云爹娘養我不了而意則直指夫之不得蓋未有女子從人而父母養得終身者也

終風

此詩說風。霏。晦。雷。即是說莊公與他處。此詩不同。須體會。不敢斥言口氣者。言狂暴。次言狂惑。皆一句為比。三言狂惑。不聞四言狂惑。愈深。皆二句為比。意雖一步進步。而篇首提一終字已。含復藏愈深。意矣。

顧我則笑。只消看一則字。便見原。無笑意。不過是戲謔。洵。浪笑。兼之教而已。

霏。訓雨土。爾雅所謂大風揚塵。自上而下也。蒙。霧。是藏塞。不開之意。惠然肯來。即顧我則笑一例。道是往。又似來。道是來。只忽往。是謂莫往。莫來。此語得癡態。語。勿泥註。

但又有三字

在或暫開在不旋日內看出開者暫而蔽者常則陰曠如故矣愛能傷人故感傷氣閉而成變不須帶風霧說願言則噴猶甘心有疾之謂

曠以喻惑也、以喻狂、呂氏曰疾風迅雷其止可待至于曠之陰也、之雷則殊未有開霽之期也、故以比狂惑愈深懷如懷抱之懷藏于中而不傳也

擊鼓

道詩皆危苦愁嘆之詞、以南行為主、首二句側下鼓聲鏜然、正用兵所聽也、擊鼓用兵、非戰時事、只言從軍之所為

如此土國二句、不重後使不為、只言彼雖勞苦、而無鋒鏑之憂、見已之尤苦也、說者俱謂不應說死亡、予則謂兵凶器、戰危事、正為中人所甚、所以只說個南行、而意已畢露、何妨就此補破、若憂心以下更點一死亡語、即節々失神矣

次章露出伐鄭、本其南行之故也、即左氏所載州吁備先君之怨、而求寵于諸侯事、時陳與衛相睦、宋與鄭有仇、故合二國之兵與之伐鄭、是役也、有主帥、有典國、國鄭又止五日、而以死亡為憂者、人不樂為州吁用也、居坐所安也、廢行所止也、居常廢暫、總不是行伍中當居

當廢之所。與夜馬分三項。味三曼字。皆有聊且之意。其上憂心來。所謂無闊志者。是說詩者之詞。非軍士口中語。末二章亦總是此辭。次時。閒思過慮。只臺上說下。契合也。淵離也。死生合離。便不忘棄是約。誓澤成語。不也。為下文不言死生苦。將四字串合。執手二句。即成說。時。繼續叮咛語。不作兩開。不我仲亦原。就不我活脫下。須領其憂危之神。

凱風

此詩之不顯親。恐人皆能言之。而謂語中有意于隱。亦傷孝子之心。

荀章說風二句比親之養子棘心句比子之未成末句只就幼時說

次章以孝子應說風棘薪故屬與說風長養而成棘薪是風美而材不美也以與母善而子不善聖善猶云通明賢悅無令人猶云無一克育子也且雨露不能養親悅親志母不安室是必子不能養又不能悅故下二章而言有子七人見其中亦宜有一人能養且悅者而今無有也母氏勞苦直指子不能養與上幼勞不同末章美字全是自悲之意

金詩以懷字為主。末章正是善懷。善言阻隔只是遠行。次言實勞我心。又次言慙。我思。俱含思。其不能自善。意直至知德而減。則伊阻者不遠。不來者能來。而懷思可少。寬耳註。逆投該得廣。不止誅逆軍。

自貽伊阻。以君子急于公義。盡瘁事國。結自貽二字。宛有味。長矣二句。聯作一句看。猶云誠哉君子之實勞我心耳。根上伊阻。舍下保身。瞻彼日月二句。是言己之思隨月月之往來。而俱長。瞻字緊關思字。豈眼見日月之外而況。而復升朋而瞻。而復明。而不見君子。以除千端萬緒。奔上心來。而不能自遣。我思豈不悠。不止思逆役之久。道。

之云遠二句。正是共思中想望迫切之情。非是不來已久。又恐遠道為阻也。

不知德行。猶云這箇道理。意君子所必知也。不佞不求。正所謂德行。此是心學。而于處世用之。行役為爭功爭能之地。亦宜曉此。明。望夫。而曰百爾君子。詞不迫切。若此。要之林中相聚。不止一身人。各自善自然相及。亦是至理。勉有若葉。

此詩刺淫之意。見于次章。而不指其人。前章止托喻。至案。後言古禮不可恃。非類不可法。總示以禮義之當度。苟度。禮義而行。自無非配。而相違者矣。誠刺意在言外。

貌有苦葉喻婚媾之約未定也。濟有深涉喻先王之功甚
嚴也。允楚必經霜落葉方可佩以渡水深涉又必須用艸
此時豈得為急于求濟以身試不測之淵乎。深則屬深字
不兼深涉此還是深中之可濟。厥水自帶以上至腰曰屬
由膝以下曰揭。渡水不露體故著裡衣而渡謂之屬。裏衣
裨也由膝以下不須如此但褰裳而已。二則字甚活便有
量度意。

濟盈喻淫欲之溢。雄鳴喻春心之動。欲勝則必害理而今
曰無害。懷春則當求偶而從非其偶。總見其無復顧忌盡
反人道之常而已。不必將禮義不度非偶相從分屬男女

○用雁取其和。亦貴其偶。旭日取其明。亦貴其始際旭日之始升而奠雁。此是納采請期常禮。求之未泮。尚未是歸妻時。而預先行此。所謂求不暴而節以禮也。如字追字。照相呼應。註納采用屬。談請期在內。以納采為六禮之始也。此約乘請期之人。方是配偶。故應相送。若不待以禮而以棘欵從人。是涉者不須其友之招而漫從舟子之招矣。其可哉。須字索有味。○序曰。貌有苦葉刺。鄭宣公也。公與夫人至為淫亂。

谷風

通篇全是自反其德。不甘墮棄之意。首言夫婦之帝道。在

德不在色。夫之棄舊憐新。重其色也。而已之治家勤勞。免于顛覆。可謂德音之莫遠。有如此德。而不一動其念。故章末動以念已為新昏時。則悽惋極矣。

首言夫婦宜和。采其德音。養其色。正所以和也。下四句。意實承上說。以陰以雨。弔看言陰而雨也。品勉同心。有要之于久意。德音泛就婦人身上說。亦不外下治家勤勞意。莫違者。不改其初也。對顏色之遠說。

有違者。心與足違也。薄送我幾。亦是忠厚語。逐之則不復送之矣。諱謂二句。以彼此相形為比。與平常比体異語。意著云。如我全日所違。乃真可謂苦耳。形容新昏之樂。正以

形已之太苦。

淫以四句，正見夫為顏色之表，并棄德音之善，欲戒新昏者猶恐，不忘其家之心也。我梁比閨中，我笄比閨中事。我躬二句，是毋遊轉語，似于絕意，乃其不能絕意之甚者。此已引治家之端，下遂舉其事盡言之。

治家恤隣，皆就相夫說，以治家為主，恤隣是治家中事也。手足並行，不是實事，特形容其急遽如此。箋云，爾爾救之言盡力也。允于民有凶禍之事，隣里尚盡力往救之，況我于君子家事之難易乎。固當勉勉以疏喻親也。如此解，似于婦德更切。

青育。即何有何。無時事。恐字實到類。覆允病者于危迫。時
不得已而用。安樂愈則棄之。故曰比于于毒。

我有青蒿二。月是自陳其事以起興。似賦而實興也。項氏
云。洗水湧也。其勇如水涌水之湧者。橫暴而四出。故怒之
盛者為潰。洗潰是形容他暴戾剛狠氣象。語肆非上治家
勤勞事。乃責以分外難任之事。發欲伺其不及以為難端
也。此自其將棄時說來。聖來嫁止息時也。念之則不須論
到德音。豈可謂無如元如事情態。絕絕悲絕。

式微

微字。下中露泥中者。即後篇噴尾流離之意。胡不二字

是感勵其君聲以歸以興後主說微君之故為君國興沒之故也中露泥中俱借字不作喻說

施丘

此詩以廉所與同為本音但先設疑寬解而使諷之因總以切責耳

葛始生其節密久則漸濶二何字相應上何字有一見驚駭意下何字是望救迫切聲口不是疑問次章何其久也即是多日而又頂必有與也發問詞愈委婉意愈迫切明謂非此兩端決無末救之理

言葛又言稊時歷春夏其久可知棠戎二字亦可想見客

途之貴。靡所與同。謂我心則既悼危亡。又思與復。而總不
在彼心上。所以多日不救耳。豈真為有與有以哉。
璚尾是形容失國君臣。沒有威靈氣焰。若此。流離本為名
棄。類少好而長醜。生則漂散。故以為名。璚尾即燕。肅
之意。元耳璚也。璚所以塞耳。意謂除是耳聾不聞。豈深安
然不救。猶有激其來救意思。

簡号

此詩開口說一簡字。詞意直當到錫爵。而意則伏在末章。
蓋所以脫畧形迹。不拘繩檢。只為當世不可人意。若遇西
方明主。先不容成做此事。我亦安得任其簡哉。

簡考二字。高唱而下。舞起前三章神態。不必粘定舞上。說以方將字。照錫爵。恰是舞之始終。日方中而在公之前。履上履。已居然是一舞人。亦無末屬目矣。

侯。就形體魁梧。亦帶儀度。不拘說才備。重在如馬一連。萬舞直其本分事耳。公庭。正是在前上履。有力二句。一連說。言出其勇力。以執鸞。而終控無不如意也。

執鸞以通中聲。秉翟以飾德容。皆舞中事。赫如渥赭。以枝藝得還。無所愧怍。而見于顏色如此。工告樂備。則主人獻工。主人宰夫。之然。必錫之于君。故曰公言錫爵。

雖之恩。二句。然公言錫爵。落下。現有公在。而忍乃在西。

方之美人。此是何意。彼美人兮二句。正寫其思中貽宕。猶
往之緒。不專嘆其遠也。而方以地言。而時自在其中。碩人
本意到此方自家說出。有多少感慨。

泉六

全詩總是欲歸而不得歸之意。非真欲歸而謀之人。因人
以為不可。而始不歸也。到末章。尚是有懷于衛。神狀未嘗
絕望。

首章亦字。聊字俱堪尋味。聊與之謀。蓋知終不得遂。而聊
以寬其思念也。下云女子有行。遠父母。見弟曰不瑕有害。
宛是謀度之詞。

干言是由木國歸衛所經地，不是衛地。隋志：邢州內丘縣有干山，言山在周為邢國，賦泉水者，當是邢侯夫人。脂率平看，載脂是先以脂塗車，載率是設率在車上，還事猶云回轉，不必泥嫁待所乘，不瑕是得無二字口氣。末章出遊是歸寧，寓言與我思字緊，執着茲字當虛字看。註中安得二字宜玩。

北門

北門，魯昏亂之朝，昏亂是臣子所諱，故借北門與莫，不必出正意。宴者，無財以為禮，貧則無財以自給，是下章室，莫知指上人說，艱頂宴貧看，已馬哉，言固不見知。

于人亦無望于人矣。謂之何哉。猶云不消說得。
道我者到我身上之謂。坪益。朝。轅。業。集。意。我。我。者。憐。我。身。
上不復顧恤也。須知此等王事政事。必皆瑣細不切。非常。
所當任者。惟是使其氣不碍伸。又甚于謫。○序曰。北門。
烈士不得志也。則此詩是詩人托為賢者口氣。

北風

此詩只重見幾而作。不必以貴賤分淺深。風雪喻凄慘之
象。狐鳥喻不祥之徵。

風疾而有聲。則不止于涼。雪霰。而寂。則不止于零。見禍
亂之愈急如此。

狐烏之類為不祥非一而用入行政之類為不祥者亦非一莫匪即註無非二字猶云赤者皆是狐黑者皆是烏也

靜女

搔首如蓬是引領長望且前且却之狀蓋恐其或至而難決耳

古者筆與針皆有管彤則管之色也毛傳以為古者后夫人必有女史彤管之法

新臺

此詩總是為齊女言所得非所求泚酒皆逆水義臺在河上故也蓬蔞戚施非宣公真有此疾只國人惡之而以惡

疾狀之耳、蓋既無入道、即不成人形、不解、猶言豈不解也、是少有的人、

乘舟

此詩酒會詩人明知二子被害而不忍言、故為憂疑之意、

柏舟

柏舟不取堅緻、只取有定在之意、而楚借之以暗指共伯、楚王生時胎髮為之、長則垂于冠之兩邊、不忘生育之恩也、父死脫左、母死脫右、特有執持之美、而訓正者、猶指之謂龍也、語意比前愈迫、共伯、樹德公世子餘也、其弟即武公和、

精有次

中算。是間內隱與之處。○上謂曰然。下謂曰報。

借老

通詩以不淑二字為主。開口下借老二字。是詩人史筆。刻
編他人髮候作髻形。加于首上。并髻也。其端刻鵝形。橫于
髻頭。玳并頭。所懸玉。其垂有六。副旁有并。上如玉。作三
泝。二串說。素服。即副并玳也。服以章德。故曰素服。如山句
形容委蛇之狀。宜象服。即是借老宜之。委蛇二句。不過鋪
張。素服。君尊氣象耳。

班乎二句。言服。冀髮二句。言容貌。玉璫句。言服。揚且句。言

容觀其字特宜善言見與他人之翟不同楊訓上廣上即
滿字意廣即長字意古人以眉為春山橫黛以此天與帝
俱以神言見驚怪意猶手虛賦所謂眇々忽々若神仙之
髣髴也

翟是祭服展是禮服與上副并六珈皆所謂象服也清楊
頴作三件緩畧重在色而粘服上說此詩只為有子之不
淑二句故此二章胡愈寬和然咏婦人而但言服飾容觀
之美則其人可知矣

采唐

沫即漆林邦紂之舊都

詩經

卷八

七

鵲奔

鵲與鵲奔、鵲與鵲、○按左傳、惠公之即位也、少、齊人使昭伯烝于宣姜、不可、強之、生齊子戴公、文公、宋桓許穆夫人、惠公即朝、昭伯即頑、宣公之長庶而假之說也。

定中

定中一篇、以營處為主、而歸重、東心上、蓋營建時、不忘恤民、樹木又取有用、無非遠慮、而營建以前、德也、詳窮饒、營建了、又德也、勸民、皆是秉心、塞淵、廣故舉、殊祀以驗富庶、見得操心之故如此。

定之四句、文平而意實貫、如云審此時、可作室、而必辨方、

以作室也。定星昏中，正是營室時候。此時民事已畢，故曰
遷樹。樹在室基中間，日出則影西側，日入則影東側，以純
正之，而東西向定矣。午則日行正南，而影北側，以促正
之，而南北向定矣。此外作楚宮時事，種植亦營建中所不
可廢者。但其所樹必取可以充邊豆伐豢，隱然閭閻樂
大用耳。若謂禮樂必待此興，便是呆話。

望是望一國之勢，看遠可立國否。國已定在此，又不知山
之向背何似，故又用景。是以心度日之影，不用樹景，蓋
樹景止正宮室方而此先正一國之方而也。降說下處言，
非從山上下來觀景，是觀土之宜桑否，謂民之所資也。望

景觀卜。正求後來好。故後來果然好。先戒隱。指民安物
事。但不必與下章結合。

匪直二句。承上起下。人即積慶來之人言。秉心。不是空
秉此一心。謂經畫此事。心即秉于此事也。分明說文公如
此操心。所以能充溢藹藹。而却在收慶輕。點出此詩旨
所以為妙。

煥煉

卒戕之。二章惡之。三章切責之。女子有行二句。言婚姻
正始之禮也。註不顧冒行。正不顧此正禮。大無信二句。一
直疊說。在人曰信。在天曰命。失貞信之節。即昧天理之正。

相鼠

序曰相鼠刺無禮也。衛文公能正群臣而刺在位者。無若
之化。無禮儀也。○鼠有見人則交其前足而拱者。謂之禮
鼠。見兩雅翼儀。指身容之可象者言。禮以及為文。即非者
是謙抑退避之意。禮則舉全體而盡。

干施

三章只一意。率馬柱杵，不過大夫常儀。爲見賢而所敬，極道其盛如此。禮意之勤，只就見賢上看。不重在儀衛，何以正字。賄勞、醴饋、珍羞，不盡歡意。蓋事出創見，極爲賢者

車後所建者為竿之旗。上存乎。以黃注施。曰。許曰。修者。基

旂之正幅為修。梓則末乘者也。建于車之旄。素絲以繫之。載夫龍之車。食馬以駕之。三之字。俱指于旄言。漢制。太守四馬。其加秩中二千石。乃置右騶。故太守稱五馬。書曰。若朽索之馭六馬。五之六之。原有此制。但一出無屢更儀衛之理。只是極誇其威耳。

義見

序以此為許。夫人聞其宗國顛覆。自傷不能救。思歸唁其兄。又義不得。而賦此詩。則望人救衛之心。迫于歸唁。以按

于大邦二語。證之。良是。凡言驛馬登立行野。皆非實事。蓋
大夫之來。怨大夫之沮。俱非實情。不過曲寓其煩懣難堪
遑迫無聊之意耳。言下却善。歷其履其事。此是詩之妙
境。

驛馬內有控大邦。以英國與。後意。只未說出。詩作于盧溝
時。故曰至清。既涉是來。清忙迫。不避水聲。猶怨其言至。俱
是意中事。出虛量。

不遠者。此心休。只係于游也。而陵止一意。而層疊言之。
以見思之迫切。語有善懷。方有舍言。不必泥定歸咎。玩亦
得可見。下有兩所思。正對善懷。看釋則少不更事。不識

人情往則就物而是不遠人情而善而行相反

歸途涉麥亦是設言隨然見宋國丘墟盡委草莽景象按
狄入衛以閔公二年十二月冬迄于見麥荒則為今年
夏尚未聞隣邦救恤所以欲挫大邦此是真情但非女子
事耳因猶云因某人達于某人也極指大邦言有爾所忍
只是多方為我厚意姑致書遣人于我不恃而情得以達
者不必言請救果有此意正中所謂懷何以云不如我所之
哉上云東釋耳狂其詞悞此云無我有尤其詞德

洪興

典各止五句各開說雖有進威尊嚴成就之別然章旨五

見清力全在切磋琢磨。有些工夫。自然成此德。惟德成故與服稱將到末方能出耳。瑟調赫煇與末章下句。亦各就其德之發見。雷味實一番。非有淺深也。

竹內虛外剝。清助無染。有似心体。故取為興。如切。是剖析事理。一一看得分曉。磋則研窮到精微。融貫地位。如琢。是過絕人欲。不遺餘力。磨則磨礪到光明瑩淨地位。不必分知竹瑟。是端莊慎密意。側是可畏可象意。與大學說瑟調不同。赫是氣象光盛意。煇是光輝發越抑之而愈揚意。有斐二句。只承上句說終字。猶云到底不指沒世。

克耳用石。會身用玉。會猶合會之會。縫中也。皮弁縫中。結

玉為飾謂之蒸諸侯玉用朱白蒼三采數以七亦不過常飾而德之以稱之自然尊嚴可畏是其服飾即美其德也詩人口中無德稱字言下有瞻望丰儀肅然贊嘆之意德之無渣滓似曾經鍛鍊之金錫德之無圭角似生成溫潤之圭璧非德有生成鍛鍊之分也上句形容不盡故著下句德就切磋琢磨工夫底于渾化而言較與較皆卑上橫木較在較之上致敵則俯而絕較無事則但依較有自如氣象獨重較者言儼然在重較之上非必其在重較也或是戲動靜是靜言不為虐者不至任情而凌物也寬綽是自如故即重較以嘆之戲靜著一字已有不虐

意了。下句只是上來。此是動容周旋中禮處。

考禁

通詩以寬字邁字軸字作骨。而重在獨字永字。淵之旁有阿。之旁有陟。只是一處。考禁句不要看作寂寞境界。寬邁軸以胸次言。不離考禁。亦不粘考禁。注此字。各就此三字言。獨寐二句是詩人想像碩人如此耳。獨寐而寤。獨寤而言。之而又取。之而又宿。見其無往而不獨。亦無往而不禁。

邁從革從遇。有革。遇得之意。軸訓盤桓不行。亦見從容自如意。○序曰考禁。刺莊公也不能繼先公之業。使賢者

退而窮處、

碩人

族類容貌及始嫁時人情禮儀俱能世情易見者言意謂人雖昏惑何至并此亦不曉得言外有疑怪冷嗟之味

碩人二句不斷如云此綏綏而長衣錦聚衣之碩人其族類之貴如此邢周公之後譚近齊子爵其言侯者通也

倩正是笑之巧巧即是目之美

來嫁事輕還重在人情懽喜上四壯二句是馬翟第是車朱字翟字要緊朱憤擬人君之貴翟第極小君之儀朝謂入君之朝也未二句分明畫出奉朝詢之為人主嚴重犬

續光景。說出相親却似呢。

河水章重末二句。禮儀盛格。即在士女校好上着。

堪

詳味此詩。其立言最有序。然是悔之無及。真可扼腕。荀文若之失身曹瞞。柳三州之濡足叔文。其是類也。夫

私奔安得有媒。故註曰。責兩無以難其事。此是卜之體。卦是筮之體。蔡之未落二句。是比。吁。隄鳩兮二句。是興。曰。未落隱然。見有黃落可慮。士猶可說。極形容女之不可也。三歲食食。是言相從。後食勞之歲月。非以三歲相聚。便見素也。賡後章。老使我怨。可見不美。就始終一心言。二行便始

總相背與同極二句。蔡承上恨，再數其過。是通篇之主
同極反覆無窮也。淇則有岸二句，與至不思其反，有岸有
岸，言事皆有到頭處。

序曰：氓刺時也。宣公之時，禮義消亡，淫風大行，男女無別，
遂相奔誘，華落色衰，復相背棄，故叙其事以風焉。美反正
刺淫佚也。則非婦人自作。

竹竿

竹竿釣淇，是托言。淇亦不遠。又為女子有行，述父母兄弟
耳。下二章俱根連莫致之來，泉源本發于斯之西北，而曰
在左者，其委也。淇水本東流，與泉源合，而曰在右者，其源

也。巧笑二句，是懸想洪上遊女風景。故下節躍然作自己
出遊之想。自恨不得箕語，將戲意在言外。說詩者多以駕
言二句無思歸之意，不知詩人非必斷然說定，為驛驍見
其絕意也。

光蘭

光蘭之短弱，而有蔓生之枝，本不勝末，故以與童子之佩
麟能不裁知。猶云其能非我所知也。容乃容與之容，遂如
直遂之速，末句即正上文。此倚重較予一例，亦有惜死不
自知其無能意。甲是甲于天下之甲，不我甲以不敢妄為
推崇言方渾厚。

能治煩佚亂者方佩璫能射御者佩玦見說苑

河廣

二章俱是極言適宋之易見得所以不得往者不為他也。龍謂二字最可玩。一齊下四龍謂微意強然矣。曾不容刀。則言河之小不須強解容作川字。

說苑襄公為太子請于桓公立目夷公問何故對曰臣之舅在衛受臣若然立則不可往矣襄公思母而托言于舅恐傷父之志也。此詩當亦作于此時。蓋襄公即位則衛已自河北渡河南不須曰難謂河廣矣。

伯兮

為王前驅，非必王真在行，以諸侯之命。侯王之後，即為王也。執爰前驅，亦是婦人想見如此。

周遷在衛之東，故云之東。膏，所以澤髮沐，所以澤首，是物兼造，後真以膏沐勞齊師，可証膏滿也。清，內則訓漸米，汗，願言即甘心之意。

莖草食之，忘憂，非取玩物適情也。先下為得二字，轉到不願得，更有深情。

有狐

有狐獨行，喻嫁夫。憂其無室，則欲嫁之情可見。要知此是托言，蓋不欲顯言其人，故托狐言之。不欲顯言其欲適人。

投托無衣以憂之、茫梁而渡、故可以囊以衣而涉曰厲、故
必曰帶束衣、曰淇側、則既渡水矣、故可以服、○序曰、有狐
刺時也、衛之男女失時、喪其配偶焉、古者國有凶荒、則殺
禮而多昏、會女之無夫家者、所以育人民也、

木瓜

此詩似賦、而作比者、蓋以木瓜之微、比薄施、瓊琚之寶、比
厚報也、匪報二句、即承此借景說、不必另以正意講、○小
序、木瓜、美齊桓也、衛國有狄人之敗、出處于漕、桓公救而
封之、遺之車馬器服焉、衛人欲厚報之、而作此詩、

黍離

詩為閑宗室過故宗廟宮室作而詩中不見一字。直將彼
字暗指而已。此是感慨最深處。二彼字有到處盡為不秦
之意。行遠二句承上來。亦須會興意。而謂我指靡。情狀
言也。搖。即是心憂。細味風指。初未嘗喚人莫識已意。只
言我如此情狀。惟知者以為心憂。若不知者豈不謂我將
何所求。正見我如此搖。心緒真是隱痛。而何人說言下
便有欲呼天意矣。此何人哉。蓋明知其人而不忍指斥也。
此字亦有含蓄。不須將宗廟宮室點破。
小弁之次章曰。踣。周道鞠為茂草。蓋預料有黍離之日。
君子于役。

通詩語意向法。俱參差變換。惟而喚君子于役。及鴉棲三句不變。似是寬閒語。正是寫情。獨至虞章首三句。未及言思。而思之真境已摘破矣。不知與曷字相應。言歸期不可知。連其所至之虜亦不知也。說得離家以淡情。形苦極。豈堪漢有家中日常接止之物。如期到前。而鴉向時棲之時。日則已暮。牛羊止。以此時下來。明。見有出。即有入。有旦。即有暮。而欲付萍踪飄泊。杳無歸期之人。于不思。非人情矣。朱注。依頓挫語法直下。最得。但不應作對物思人。思則思其歸。即無歸期。亦思其現今所至。是同室至情。自不能已者也。日之夕矣。句。管上起下。

不日不月，是往事，曷其有佑，是將來事，實直述上句以起下句。幸無絺渴，則後歸有期，而字最下得悽惋，有無可奈何之意，此思之極也。

君子陽：

兩章將樂字結句，實述陽之陶之喚起。一氣直下，陽之陶道是得之心而形之貌者，若云其所以自得，處非婦人女子所知，但覺其意象如此耳。大夫東房西室作樂，即在房中人出入處也，舞位非別設，即所舞之地，便是由房由款意輕，只是招已同樂，末句紫頂咏嘆，又不重在同樂上，安貧忘勞等意，並不須說，即掃興。

揚之水

序曰揚之水刺平王也不撫其民而遠也戍于母家周人
怨思焉

以戍申作主孔氏謂南許近申其實不戍南許恰像戍申
即南許亦可時以無怨故兼言之不與我戍非是室家
不肯與我同去謂家在畿內而我乃遠戍不得同行也後
非其賦之意隱然見于言外

中谷有蓷

以蓷之乾燥無潤與已之地棄無依通是悲詞不作怨詞
蓷一名充蔚一名菴閣耐旱草也歲旱則物生高地者先

妾、脩訓長、蓋長茂者、亦不免乾燥也、佗誰、是相拋棄、不淑、以凶荒為不善事也、即艱難意、何嗟及矣、是因極無可奈何之詞、不必強作安命語。

免爰

我生之初、王室未東時也、此時邪正尚不甚混淆、賞罰尚不甚顛倒、故曰無為、今刑爵本備、小人而反加若子、則群小得志、而天下始多事矣、生此時者、為忠直、既不容為、則諫又不可、則惟有嫁而不動、或可付之不知也、不必決定作死說、百憂百凶、所關者大、不止禍之及已、

葛藟

序曰、葛藟、王族刺平王也、周室道衰、棄其九族焉、興意以
綿、終遠字相應、蓋綿、是長而不絕、如終遠、則不特長
相聚矣、三章俱是、極嘆其窮、無實、依人之意、莫我肯視
之若無也、

采葛

彼采葛兮、彼采葛之人也、思念之情、以漸而深、○葛為綿
絺、蕭供祭祀、艾療疾病、葛生于初夏、聚于盛夏、故下采三
月、蕭采于秋、故下采三秋、艾必三年之久為佳、故下采三
歲、○序曰、采葛、悞謔也、蓋謔口中人、朝不保暮、是以暫別
如久別、

大車

此詩以畏字作主。大車二句是即其車服聲容之盛。以見氣勢之不可玩如此。非畏其車服畏其平日之刑政也。但不須摘破政刑字面。噫。就車行之安重上說。謂予不信。謂予此言不出于中心之誠信也。信對聲音笑貌說。

丘中有麻。序曰。丘中有麻。思賢也。莊王不明賢人。放逐國久。思之而作是詩。○或云。留是大夫氏子。嗟子罔其字也。麻麥盈疇。是其教民農桑所致。存以備考。

此詩願望之意。以漸而深。將其來三字。正是望詞。不必作

疑說

緇衣

此詩專為武公作。推本桓公者。見世德深入人心。為無已之愛。可從來也。作詩者並未嘗言感德。亦不自言用愛。但望此緇衣。自覺其服之恰稱。而情之不能自己。若此耳。不須泥定首句為致愛根源。試味他說個宜字。好字。蓆字。便雖然見愛之。意矣。每章各上下二句。相連自為一意。而文義不斷。宜雖說是德稱其服。亦是人意中見得如此好。有美感意思。蓆是借用字眼。試看人到蓆上。何等寬舒。何等相宜。則大義安舒。俱在其中。

緇衣、居私朝之服也。天子之卿既朝而退，鞞皮弁服，緇衣以聽政。館是司徒治事處，即私朝也。凡諸侯入為卿士，皆授館于王室。桀是野人所自授，不是卿士之常祿。玩敬字又字，有惟恐不得改衣之意。謂既適館而又思授桀，則可謂改衣不已。又思適館則不可。此三件總是未然事，乃心欲如此耳。

將仲子

此詩以畏字為主，以懷字相形，無喻我里二句，順說，蓋假托之詞也。杞是里域之杞，桑即墻下之桑，檀即園內之檀，由父母而諸兄，而衆人，原無淺深，只立言之序如此。

小序以此詩刺鄭莊公不勝其母以害其弟而仲氏即指
祭仲于詩之詞義不類姑存其說

叔于田

此詩要會國人喜陵之興已狎昵沾沾誇美之意而段輕
侮浮蕩意態亦即于野美處見之

美還以態度言方有著落但須各照居人飲酒服馬看出
耳仁者相周相恤煦相親也好者獻酬欵洽情意交通
也武者替控馳聘力能使馬也以其與混處故見其仁以
其與衆飲酒故見其好以其與衆服馬故見其武

按左傳莊公即位姜氏為段請京使居之謂之京城大叔

既而大叔命西鄙北鄙來于己，又收束以為己邑。至于蔡延完聚，繕甲兵，具卒乘，將襲鄭，公伐京，_二叛大叔段_一。奔，可見所謂國人，非通國之人，止是其私黨，而齊美如此，亦全為叔段要譽致然，故始易合而終離也。

大叔于田

通詩以于田為主，每章歸重下四句，首二章，總是猶時事，凡道他好處，俱是才力過人，而又好勇，所為不要折開，多才好勇者，大烈，其舉其揚，其阜，所謂焚林而田也。

執轡如組二句，是往田在道時，其御馬光景如此，在藪以下，則至其所而田矣，善御是才，而非勇不能，搏虎是勇，而

非才不克傷汝項暴虎說若田事則習俗所尚豈肯以為非而不戒之戒之正愛之也

乘黃三句言馬以起良御意在數二句起善射意磬者騁馬從禽隨其所使馬即從之曲折如磬也控者止馬待歎馬隨而止節制在手如控也此正見他良御拔是矢尾着弦者滿則放手以任其去故曰縱驕弓稍頭也覆倒也弓滿時弓稍向內既放矢則顛倒其稍並指于前如送矢走去也此正見他善射要知發時未始不控縱時即為之送不是二事○齊首如手是兩服不退而后而驂不進而前便有閑整氣象馬行遲矢發希納矢于桶而釋其棚以

獲之、子則舉壘而毀之、樞北從容整暇、而得意可餉、不重
在喜其無傷上、玩注亦字、是從戒其傷女者、來得意實各
開說、

清人

重責父公不善將上、馬以駕車、才以衛車、馬既不用而
曰馳驅不息者、言不得歸、而但馳驅于河上也、朔朔道遙
無將卒言之、左旋二句、只舉將師一車而言、士卒之車則
左持矛、右持矛、中人御、○春秋閔公二年、狄入衛、鄭惡其
渡河、以惡高克好利而不顧君、故全將兵禦之、後師潰、高
克奔陳、

黑梨

三章題是即其服之美而嘆其德之稱。舍命不渝安處于天理之正而不變也。如宅舍之舍曰舍則自不得渝矣。義極精而包得濶。註言當生死之際見非生死所關可知。孔武有力指勸飾言。立不專指諫君反新國人之是非。乃中立不倚危言危行。主持直道之謂。彥以德言充養既粹人文宜朗足以潤色皇猷故謂之彥。

遵大路○序曰思君子也。莊公失道君子去之國人思望焉。

全詩留戀深情在不寔二字。二章一意故舊便是情好之

人不必以義與情立說

鷄鳴

此詩是一日間警戒之言。從弋烹調交際時居常川內門外所有事也。泥定脩戒脩德便是大帽子語。

鷄鳴昧旦俱認為真不作想像。然據其一時警惕光景真有聽于無聲視于無形意在明星俗西謂曉星也。此句是因夫有時旦之言故想像其光景如此翱翔有急速爭時意。弋與鴈正是男子勤業處不為下文飲酒作計。

弋言加之緊項上文來與子宜之有鼓舞其弋加之意飲酒以期偕老亦此意也。要知此二句不是以樂為樂正見

憂勤中樂處如此。則夫婦兩心先安靜和好。琴瑟亦爾。安靜和好。由人心生也。註亦莫不三字宜玩。御以搏拊言。凡物在手曰御。安靜是不躁急。不煩數意。好而不靜。則淫矣。

三知字要認。婦人汲汲本念來之。是意氣所感。有以致同類之應也。既致其來。故思贈其往。字義相應。順好是我去順好他。順是志同道合。莊子所謂莫逆于心也。順則不忍其疎濶。故惡問之。好之者。好其善也。我好彼善。是彼以善施我。故有報下字。俱有別須知。此是三樣朋友。不是指定三人。

有女同車

兩章美盛，俱根上顏字來。翱翔是車中衣服，迎風輕舉之狀。瓊琚即佩玉也，都就儀容閑雅上說。德音是性，情之和厚，播為美譽也。不忘久而不渝也。于瓊琚見德之容，于特將見德之音，各以其類。○序曰：刺忽之不昏于齊也。齊女賢而不取，卒以無大國之助，至于見逐，故刺之。看詩中並美明是齊姓，傳曰：親迎同車也，則此非淫詩。

山有扶蘇

此以宜有者有之，與不宜見者反見之也。子都子充，是古美男子在，以情之蕩言，較以情之詐言，非真以為狂與狡。

也、不過欲見已相狎之意耳、序亦以此為刺忽之所美、非美、

葦子

以葉葦而風飄、興彼唱而此和、蓋取相應相求之意、下要字、對和字者、和者和其始、要者要其終。○序曰葦子、刺忽也、君弱臣強、不倡而和也、

牧童

序曰、牧童、刺忽也、不能與賢臣同事、權臣懼命也、

寒裳

我思與不我思、是、設兩端、以要其必從、漆消未必寒裳可

德精明其至之易耳。○序曰：寒蒙思見正也，在重德行，國
人思大國之正已也。

子之丰方

前二章悔前期之已失，後二章冀後會之可圖，望實由悔
生也。

序曰：丰刺亂也，嫌相之道缺，陽倡而陰不和，男行而女不
隨。

東門

上章思其人而嘆其遠，下則志其所居而冀其來。

風雨

序曰風雨思君子也亂世則思君子不改其度焉依此說則首二句是亂世光景

子矜

青矜以青緣其領也佩玉也士佩璆璫而以青組綬帶之故曰青子佩思其服想見其人雖我二句有如怨如責之意

序曰子矜刺學廢也亂世則學校不勝焉箋曰獨學而無友則孤陋而寡聞故思之甚

楊之水

水力之微弱興我興女兩人之寡憐見不得更相棄意該

女所欺者一人也。不信。則平日是無信之人。誰人多矣。
序曰。揚之水。閔無臣也。君子閔忽之無忠臣良士。終日
亡而作是詩。

出其東門

詩意只重不慕非禮之色。其言自樂于已者。正見不動心
于彼也。匪我思存。句。卓然見砥柱中流念頭。如雲狀其綺
縠可觀。如茶狀其輕白可愛。縞衣在身。綦巾在首。縞衣白
色。下茹蔥。則絳色之衣也。聊樂者。自樂也。與娛。則與之同
樂矣。聊字。有自適之意。

野有蔓草

此詩即所在以起興故曰賦而興重相遇二字通顧以一
人之欲言情賦以兩人之欲言序以此為民窮于兵革男
女失時而思會之作。

浦

序以此為刺淫之詩玩詩格良是二章俱以觀字瞻字為
主首四句叙其時事如此女月下見人往而已亦欲往也
芍藥一名可離故人相別者以此相贈

鴉既鳴矣

詩入美賢妃意只在敘事中耳聞目擊無非為君而末章
尤凜乎純色廢禮之懼有一步緊一步意○古者太師奏

鷄鳴則君起。群臣之朝。別色始起。朝既盈。只盈乎朝門之下。所謂會亦只是會于朝門外。非會于殿堦也。匪難匪東。方二句。是風人形容警畏妙處。而口氣中未嘗露警畏字。順文體貼。令人可思。下章想出會歸。即是此法。但作賢妃口吻耳。非實有此語也。櫛在歸上見。非有兩層。不曰君之荒于內。而言已并同夢。不曰以君之故憎我。而言以已之故及君。言最微婉。

予之還兮

此詩只就田獵上說。保字應還字看。茂者技藝之美也。昌者才能之富也。揔不出便捷保利益。通重在舉人一變。

俟我于著

此是刺者代為女子之言，故詩中毫無刺不親迎意，而俟我二字已含譏刺矣。俟我于著，正俟于門外之禮，只不知前而親迎一截事何在。由著而庭而堂，俟之次也。充耳，俟時之飾也。充耳必有纁，纁用雜采，故有素青黃，每章舉一色言之，華瑩英，一瑩而異其名，非懸至以厭，使用此飾。

東方之日

以日在東方與之子在室，不是因時以起，與室在寢內，則在門內。

東方未明

顛倒衣裳。乃臣工倉皇失措之狀。只緣其君與居無節。故至此。末句雖屬誦令。正是與居無節處。要知這一日。是這等早。別一日又要晚了。使人無可遵守。纔見無節。末句莫字。只作二字看。

南山

此詩全是刺齊襄。以不欲斥言其君。是以托喻于狐駕言于魯。屨有纁黃。白墨散屨。凡五等。故云五兩。衡東西耕之。從南北耕之也。鄭氏曰。娶妻之禮。議于生者。卜于死者。是之謂告。

甫田

前二章喻脫等之無益末章喻循序之有成正見不必于
環等也然上特然獨出之貌但、惻然不安之意字義與
前稍別

盧令

首章美其才德下二章美其才貌美者技藝之美也即便
捷輕利意仁者寬厚之意樂與偁雖曰容貌如此亦武勇
所奮發也子母環謂大環貫一小環一環貫二則一大環
貫二十環

敝笱

通詩重一敝字飭鯨本可制笱敝則不能制文姜本可防

開莊公則不能防閑。下二句正見車馬僕從不佚莊公命而惟文姜驕令也。從字最有味。唯喻其出入自由。

載驅

此言文姜乘車馬之美。統徒御之衆來會于齊。總是一個了無顧忌之意。魯道發夕言昨夜猶在此。明日已往矣。行人以從行僕從言。

猗嗟

通詩譏刺微意全在開口三個猗嗟字。諸則字亦是微。首句各兼威儀技藝說長以休貌言。揚以容止言。抑者貶損收斂之意。而反若有揚之者。則揚之更當何如。目之而

精神之流動也。故以為吳殫正狀其趨走之巧射兼大射賓射言威儀巧力言

美目二句言其威儀可名目與儀原兩開說終日射侯二句言其技藝可名末句總承上還是贊嘆之詞射只主賓射說諸侯來朝與之射于朝曰賓射將祭禋士射于澤宮為大射燕賓客射于寢曰燕射齊人兩見于魯君則賓射也自齊人言則稱其為齊甥是本肯明非齊侯之子恐無此意

清揚婉孌威儀之要也下四句技藝之要也舞兼文武言還謂于上故上國君之子教于成均成童舞象既冠則

舞大夏四女反句。就在貫字內了。帶上言不必小。可必禦
亂。亦即粘上二句說。作未然事者。○金僕姑。失名。南宮長
萬。宋人。莊公十一年。與宋戰。公射長萬獲之。

葛屨。○序曰。葛屨刺褻也。魏地陞陞。其民梭巧趨利。
其君儉嗇褻惠。而無德以將之。

玩小序則魏之褻惠不止一人。即此人之褻。亦不止使女
縫裳一事。而舉一事。可以見其人。舉一人。可以見其餘。乃
詩指也。詩只以刺褻惠為主。儉嗇是褻惠根。同葛屨履霜。
不過借此起興。非以儉嗇對褻惠也。可以二字。婉約可味。
改其宜岸宜微一側。註綵度。猶云綵峭也。是不相宜之意。

皮屨貴、葛屨賤、女字重者、裳男子下服、之賤者、使女縫
裳則衣可知、裳統于要、使治其要、衣統于襟、使治其襟、正
是縫綴之事、此二句已括于可以縫裳中、朱子要形容他
急促故下又使還字、余以為只依文平下叙下、風刺意肯
躍然。

婦人提二句、美其容、象掃句、美其飾、左辟者、古人以右為
尊、故讓者往右、就左、賓主相接、主階階、賓西階、則左乃主
位也、傳曰、婦至門、夫揖而入、不敢當尊、危然而左辟、箋曰、
婦新至、慎于威儀如是、使之非礼、此解于女字更為閎切、
彼汾沮洳

此詩所刺實指貴人、但不必實為公族等、實重殊異二字、
美就像容上說、如英、言俊逸剛雅、如華可愛、如玉、謂縝密
溫潤、如玉無瑕、殊異乎公路、正所謂殊不似貴人、公行公
族、總是貴人通稱、非三人也、

國有桃

國小無政、則有亡形、故憂之、興意止四句、以扶元殺、興以
交度曲也、歌謠正憂之所寄、有惜、以風、國家刺時事、意非
假此以什憂也、宣驕是倭、侮、睥、睨、于胸、臆、而于歌、謠、哉、
洩之、彼人是哉、謂彼當國之人、其安常而無所變更者、乃
小國之休應如是也、國之無政、正坐此、故將、似、縱、恣、不、羈、

者故曰周極

陟岵

詩意以瞻望為主。父曰以下。俱從望中想像。以未想像親
念已。正是他念親處。言親之欲其慎。則其自慎可知。孝子
不登高。不臨深。正是以意不將猶何事為慎也。猶來無止
氣。新語連。總見情之迫切。

十畝之閒

閒。有無累自適之意。此上有舒而不迫之意。桑者即如
所謂老農老圃。而其為道桑採桑也。行字可味。蓋雖不
能適。還此意已一挽矣。

伐檀

此詩所美，正所謂志士困窮，寧為其事而無其功，必不肯不為其事而有其功者也。用力，指砥行。自食其力，指用世。若謂耽工攻苦，止為口腹之計，則所謂非力不食者，亦何矣。通篇只重勵志。伐檀、河干、稼穡、狩獵，皆寓言。各章首七句言其事如此，其過如此，其志只如此。非必為其事時，便思求售。因其不售而失此志也。不稼四句，非君子口中語，亦不是將來作伐檀比例。只詩人摹擬其寧甘窮約，決不苟得之意如此。注中其志以為字可味。兩胡字，即是休憩的口氣。正其志堅，不可奪處。末二句，緊承上文，美美不必

推到仕而不肯錄上

坎上二字是暮擬攻者意象河水句是寓凄涼光景一夫所居曰屋古者一夫受田百畝三百屋則一夫兼三百夫之獲也伐輻伐輪維泛言實蒙上伐檀說禾秉猶俗云禾把

碩鼠○序曰刺重飲也國人刺其君重飲蠶食于民不修其政

此與有秋緩上一例借鼠以指在位諱之也只依文說不必泥鼠亦不必補出在位之人三歲貫女言受其貪殘之久也曰將去亦尚有徘徊故土之意直刻宜者久困于此

得遂其生于彼與相宜也。

蟋蟀

通詩以思為主。三相戒處。以漸而深。然思居畢竟是所最
急外與居對。而憂則即為妨居之憂矣。三職字宜體認。居
字外字憂字與下瞿。。。。。。。。。。。。。。。。。。。。。。。。。。。。
態。思及外則趨此又恐失彼。所以。。。。。。。。。。。。。。。。
故休。也。末二句都是這上語。全在自已思緒抽動處想
像發揮。而特將良士作託。非必待就彼取法也。

日月其除。只就現在務閒之歲月言。過此則歲事將興矣。
居正指農事言。由農推之。家常應酬之事甚多。總謂之外。

未說到事安。然所做事內生故變故。則憂也。朱注蓋其
事變三句是起下。頭。若認思慮所不及為外。則是
意外。非所治之餘也。有思外不宜迂遠說。思憂而不須十
分危迫。總靠着思。居說來自。然有味。
孔疏云。徒車方箱。可載任器。以供役。亦用以納禾稼。役車
休是農事畢也。

山有樞

人有財而不能。用如山。際不能自用其材。故取為輿。衣裳
等物。俱勤勞所得者。弗曳等。只為思居思憂。不暇安享也。
洒掃不止。是安居。亦有延接燕飲。廩酒食。四句。一串看。日

字即歲晚之日、二且字有味、言所治事姑勿深思、且兼時
為樂也、來日苦短、及今為樂、可以延引此日、故曰永日、

楊之水

通詩以迄字為主、下開命而隱根迄字來、惟欲迄之故為
之隱、

石生于水、弱而石強、以比沃本于晉、弱而沃強、素衣
者、諸侯朝祭服之裏衣、本丹朱而曰素、即純字意也、
傳曰、諸侯黼黻丹朱中衣、箋曰、黼當為銷、黻丹朱中衣、
以銷黼為領、丹朱為終也、以迄祖故、見敬奉為諸侯、既見
正成其代晉之謀、故為之隱、故但以見為言、

水清石見，比晉弱而沃之，強且數也。命字作謀字，有事不
害，則害成，故不敢告人，謀有命，不要露出傾晉字。○按晉
諸父弑昭侯而迎成師，國人敗成師而立孝侯，漢六十年
而武公始城晉，則此詩作于清父之徒，國人固勿與也。
序以此為刺昭公分國以封沃，則此云不敢告人者，正以
泄其謀耳。

椒聊

以物之蕃，興國之盛，下遂以所興之物，點出速條二字，比
其將來當益盛也。兩手為角，兩角為牛，碩大與蕃字一意，
只說人心氣勢上言，篤是盤根深厚，不可拔意，只無明且

為便是速條之勢，末二句致嘆而已，不是兩層。

綢繆

通作詩人叙詞，須會夫婦喜不自勝意。綢繆二字，暗照男女情好。周禮仲春嫁娶，三星昏而不見之時，今昏而在天，則月全建辰，季春之候也。此亦算不得過時，所謂過時者，過其嫁嫁之年也。今夕何夕，正是過時之意。註忽見二字，從何字生來，有喜慰驚疑，恍然如夢之態。各子字句，皆男女自謂如此良人，何言情不能自盡也。歡樂有極，喜幸無量。○星隨天轉，昏而正東，夜久而東南隅，夜分而正南。

秋杜

此詩以獨字為主，全重自傷意，以獨生之杜則甚茂，與獨行之人則無與，此反興也。興止第三句，踽踽，累，就情義上說，正是孤特形狀，豈無二句，正踽，累，中情事非原其所以孤特也，比有春應之意，候有扶持意，開說胡不二字，分明是嘆恨之詞，不必作求助于人看。

無衣

此詩應依小序，刺大夫不恤民說。居，究，若從好邊說，則一是身與之相依，一是心與之相體，鄭氏以居，為懷惡不相親比之貌，則責數大夫甚矣。說詩不妨合著末二句，形容仰望之切，而不恤其民意，言外。

鵲羽

通詩重不得養父母上以達物之性明比達民之情是比
體之似與者凡樹叢生者皆謂之苞王事靡盬言王事不
可怠壞也極以王事得休息言復其常謂復其子孫之常

豈曰無衣

此詩只是自陳其所以請命而倨傲自見無自誇意而求
常自謙安還以命有所受不可動搖言沃自桓彝乘濟父
之難入晉為晉人敗歸莊伯弒孝侯又為晉人所攻又乘
鄂侯之卒伐晉人立襄侯以拒之屢得屢失亦知不受
王命之不安矣古有尊榮交集意煥則煖聚久則煖也命

出天子無更易之患故可以久

有杖之社

寡以人民言弱以勢力言。嗟肯句。要本君子行道之心。蓋恐道不可以大行。則君子或不屑就也。不要收斂。說是。不肯易飲食之。有思慮多方展轉。屬望之意。正是其好之切處。若做飲食無由看。便忒說煞了。

萬生

思到生離死合。皆因久出不歸來。誰字。獨字。隊相呼。應言。子美既不在此。我誰與乎。惟獨處耳。

夏日冬夜。非夏但思于月。冬但思于夜也。但日因夏而永。

則目之思。比疲之。數為多。夜因久而求。則夜之思。比目之數為多。總為出之久耳。承前章獨字來。

采苓

序以此為刺晉獻公之聽讒則明有所指而不欲斥其事。故借一物言之。首二句不必依註將子欲字喝起。只依本文平上說來。此物乃在此處。直接下人之為言。若得題肯為字亦重。言出于為便不可信矣。信字即然字意。中間舍旃最重。蓋信之則不舍矣。無信只就讒言不足信上說。然方屬聽讒者身上看。胡得是我使他不得行其言不重諫人自止。

卷生子開、若生山田及津中、詩生于圓、

車隣

此詩作于秦襄公始為諸侯時。須要會註中創見誇美意。下章樂意已含于誇美中。車馬以千乘言。車多則聲必盛。馬多則色必奇。前此百乘時。安得有以。故開口就下而有字。見其長駕遠馭。凌駕一時。氣概未見二句。又見有深居高拱。驅徒入羣的氣象。未見未字。作將字看。既見因寺人通之而得見也。與未見相應。古人席地。故瑟必須坐。君坐臣亦坐。便是並坐。不必比肩。亦見有簡易相親之意。樂只燕當此鼓瑟鼓簧時言。不須指出所樂何事。遊者其董言。

晉人逢此盛會而不樂，則過時而老矣。非指君說。

驅鐵

此詩以狩為主，蓋大蒐為諸侯之禮，襄公首舉此禮，其威儀節度自與昔者不同。有言往狩事，次言方狩事，終言畢狩事。

六轡在子，尚不見御之善意，只言馬以駕車也。則四鐵孔車轡以御馬也。則六轡在手。如此閒王說，為是。嬭子乃使嬖使令之入，非單指田獵之官也。

末詩二句，要見公祿有岐豐，故禽獸之多，昔為天子之所，今為掩羣之地。意獸之供食，各有時節，故曰辰牡翼者，驅

此及時之歡、圍聚一處以待君射也。翼歎見備官亦見預
蓄此意最重。孔頴只帶言公曰左之然公所乘一車而言
命左即左御之範其馳驅也而舍夫即中則射之善矣舍
後是公親射。

既閒是閑暇不必泥調習人游而馬閒輕車有和鸞之聲
而大載其上、穩是寓一畢狩光景。○狩以講武、主習騎射
學射以犬、犬舍猶仍戎俗。

小戎

小戎對大車言、伐收對大車之沒收言、轡是轅端之軌、鈞
行以駕馬者、其制從軌前稍曲而上、至末為頭、當轅端故

下以鈎銜、上當服馬項上、有缺處、以扼馬頸、謂之扼、轉、
上齒者、恐碍馬體膚也、束之以皮、恐曲處多是斷成、不
本理不堅固耳、禁字、即在東上看、游環有驅、制、驟、之具、
是二件、陰制、沃續、係驟之飾也、實一件、環是一皮圈、把
馬兩外轡、併服馬內外四轡、貫在圈中、而手執之、是活
的、故曰游、脅驅是係定的、兩條皮、隔驟在服之外、如驟
然、故曰驅、陰制重在制上、驟馬不當銜、便無用力處、故
設二制、係兩驟之頸、繫在陰板一環、即續也、轡形圓、鑿
其中、以貫軸、而周圍持三十六輻、兵車要馳驟險阻、而
短則脫輻、故比大車長、此曰騏驎者、見奔足而不奔、毫

者一駕字、還重在車上、溫大傑就其做人、和厚言、在其板屋用除兇雪耻意、

駢駟弱驪駮服之色也、龍首以衛車不重畫龍重合載尚其備也、緩轡以御馬不重轂軸重鑿字尚其文也、看如今遷前牌、軸乃駮馬之內轡、駮馬逼于旁驅不得內入其內轡不用牽挽、但係于戟前轂上、非前之轡也、方向向只是罪人未得意胡然向、言情上亦放不下。

伐駟孔羣言被輕甲之馬諧和中節也。公牙以敵人蒙伐以自衛。鑒之畫之俱尚文采之意。于大者為像中者為伐。伐中故不盡龍而盡鳥羽也。弓體欲止故必以竹為閑象。

弓之形、納于弓之裡、用繩約之、而復入于鞘也、歎、以德之安、靜言、即首章溫字意、秩、訓有序者、言自內及外、自近及遠、無非間之言也、此兩句宛然筆出一意中、人

蕙蔭

通詩反覆詠歎、無非想像其人所在而形容得見之難耳、一篇俱說水說、故以蕙蔭二句為叙秋水盛時景色、而蕭索淒涼、增人感傷之意、亦恍然見矣、魚可想、秦人悲歌、意氣所謂二字有味、正是意中之人、難向人說、懸虛說個一方、改照下求之、不得、若果有一定之方、即是人跡可至、何以上下求之而皆不可得哉、余得此意、則連水亦是借、故

○宛在水中央。正造一方想出。是意念遣他如此。非果可見也。點出中央。分明說所謂一方者。不在上。不在下。亦不在中間。

岸有草。水與草交。則水之際也。地。小涯也。能遏水使遲流。故云。

升者。言其難至如升阪。右者。言其紆迴也。

終南

興各止五句至。止要重。看正是逐我之沒。總對之初。錦衣。玼裘言衣玼白之裘。而加錦于其上也。玼。縠于裘。言縠衣者。裳亦衣也。渥丹。花名。色正赤。顏如渥丹。顏之移也。佩玉。

將上佩之改也、

上章言能稱其位、是歎詞、下章言久于其位、是祝詞、常在此位、則今日之創見者、又為後之常見矣、故曰不忌、只就君身說、

交上黃鳥

此詩以職戒良人為主、誰逆字極重、暗拊康公奉父祝命、迫之使從也、曰將曰防曰禦、通就才、獻智慮言、○箋曰、入有其身、捐一身百死、猶為之惜、善入之甚、

晨風

興只取晨風有歸而君子不歸、不必牽合、末二句、是直言

不當忘、非疑詞也、久而不返、便是忘之、日積一月、便以為多、紫根憂心說、

無衣

此詩以王字為重、每章上兩句與下兩句、一呼一應、袍刺繡、是綿衣、與師、泛言村來事、變同化、以鼓為仇、而同赴之也、是欲以相死、非求相恤、作有鼓舞之意、行有直前之意、俱靠一王字說、

按申包胥如秦乞師、秦穆為之賦無衣、九頓首而出、

渭陽

全詩以送為主、二贈俱送中之事、悠、戢思、要于言外見、

思親意。不要說破路車。繫纓九龍。象華二路也。後魂玉作二件者。車馬之贈。蒙遠之賜。國言故取列侯儀衛。若贈之以佩。不必泥是候服。乃一腔離情。可寄也。

權輿

長屋作校室。將供億之。厚在其中。傳以大訓。夏具訓屋。渠渠訓勤。言厚故禮食大具。以食我其意。勤然則運作食亦不妨。但人不識耳。蓋傳以為黍稷稻粱。公食大夫。軍夫設大簋。此言每食四簋。則燕食。非禮食也。權輿。只借來當始字。以造車自與始造術自權始也。詩意重在行道上。然道恒開。牙禮意。故笑之。

宛丘

詩意以刺蕩為至蕩者內就舍下文教舞無望即在有情上見蓋情思曠蕩廢盡禮法也擊鼓值羽合看鼓所以節舞上之文則鼓亦久矣值訓植當持字者先王之制春秋教以禮樂冬夏教以詩書未有無冬夏而一以舞為事者文武以翟鷩羽翟翬亦非丑樂

東門之枌

一章言舞歌之盛二章言往會之期三章言相贈之厚不必相承看其下指枌桐之下市即南方之原之市也子仲陳大夫氏穀旦如今云良辰美景箋曰駿德也欲男女合

行

此詩玩不續其麻二句，是刺人之詞，序所謂疾乱者，近是

衡門

此詩，須會隱者，自家口氣，居處食色，皆切近事，意實廣遠，不須粘合分析。首章可以二字，正與下章豈其二字，緊相呼應，可字不著，衡泌亦不外衡泌，齊姜宋子，是言族類之貴，非古色之美也。

東門之池。○序曰：刺時也。疾君之淫昏，而忍賢女以

配君子也。

三章只是一個愛慕之意，反覆道之，語訓解猶今人所謂

知起隨其歌咏言語，輒能會其情也。

東門之楊

序曰：刺時也。昏姻失時，男女多違親迎，女猶有不至者也。墓門，序曰：此刺陳陀也。陳陀無良師傳，以至於不義，惡加千萬民焉。

首言其積惡不悛，故追其始，次言其悔禍無及，故慮其終，提醒處全在顛倒，思予一句。

防有鵲巢，序曰：憂讒賊也。宣公多信讒，君子憂懼焉。

以宜有之物興不當有之事，巢在防之本，非在防也。中

唐是廟中堂下至門之徑甃磚屬砌于徑上者鵲本鳥名
咽下有囊如小綬具五色草色似之鵲善相地安則為巢
若宜荒地不戕則肯中唐有甃人宰殘之則成其美即有
肯鵲人莫戕之則成其文備張謂以虛誕之詞眩惑其心
使之無定也憂心正承此說但謂之曰誰則尚在疑似之
間

月出序曰刺好色也在位不好德而悅美色焉
三章只一意興止二句僚美好之意慙清亮之意燎開明
之意窮糾幽遠而愁結也優受煩擾而悲苦也天紹糾繁
而急迫也悄然憂也悵動搖之意慄悲愴也

株林

晉章一問一應又二解指定株林之往是為夏南下遂言其往之類也無隱諱意

津陵

以物與地相稱與人與願相違津水之鍾也津障之水之岸也未開曰莖苗已發曰莢

燕巢

燕巢不以視朝而以私居燕巢不以朝君而以朝臣共好自脩飾不容心于治可見却不重在遠制○初、忍之也憂傷危之也悼則悼其不可復救細味此詩于檜君所以

可愛。戲到底不曾說出。

素冠

行三年喪方有祥有禕。祥有祥服。素冠素衣。素韠是也。不行則一脫齊衰已從吉矣。安得此服見之。庶見二字。一氣直貫到底。諫人棄。是因服而想其人。同人而想其心也。同歸者。趨向期與之同。如一者。孚契之極。心志與一也。同歸如一。謂允可遵先王之典禮而立于無過之地者。皆與之同。非苟同其服已也。

蓺楚

此詩並不曾說出。自已。苦來只是見無知之物。如此榮茂。

而樂之。其苦雖在于言表。無知則無賦役之憂。無家無室。則無賦役之累。然本文却無處下賦役字。要說得含蓄。

匪風

詩之神全在顧盼周道中。含無限感慨。其由來全為周失其政。而天下亦遂若忘之。所以可為怛且弔也。西歸未暇。冀到周道。自此復興。但使人心猶知有周。則亦創見之事矣。故欲以好奇慰其懷。此是期望語。亦原是悲感語。諸字最可味。

蟋蟀之羽

不言其死。而反美其生。是比意妙處。說詩宜會此意。與歸

處者將從容曉喻以細娛不可玩遠慮不可忘庶幾得免
于禍也。振閱箋以為振地解閱謂其始生時也。或云閱與
大通蟬游甲下有小羽如雪之潔白是為麻衣。

候人

此詩以刺君之用小人為主。小人之近。君子所以遠也。
候人掌其方之道路。與其禁全以迎候賓客。有士有吏有
徒。何戈與殺者其徒也。曹小國大夫止應九人。本不當有
三百。况又時小人乎。則君子之失其職可知矣。服冕服則
必用蔽膝。故註云冕服之韞。

服媻俱從三百赤芻來。韞在梁則翼不濡矣。服在小人則

服不稱矣。講訓寵謂好合而相愛也。
蒼蔚以見其非美材。南山以見其居高位。木多而得晨光
則見雲氣上溢。小人盛而得君寵則見氣焰可畏。

鴈鵠

此詩只重美君子之用心。儀則心之運用處也。故首章揭
一心字。而各章只以儀言。化入得天。雖衆儀一實。本心一
來。
儀包一身之所形言。循其常度則動容周旋千變而歸于
一矣。儀之一與心之結不用推原。凡人除却身別無處覓
心。其儀之參差而不一者。即其心之渙散而不收也。如此

儀之貞一不貳。豈非足心之團結不散。

帶弁是純儀中指兩端伊絲者言無他飾伊騏者言無他色帶與弁各如其常度自然相稱即此豈不可見儀之一○儀不貳則已之儀足以正人非人來取正也不貳須寬說帶弁亦在其中胡不萬年重在垂法之久不是祝壽

下泉

前三章首二句中即具比興二意末章則頂于比下貼明正意方起興意念彼周京念其有王而若無王也。黍苗比大國之得所陰而比王朝之隆盛有王者紀綱浹浹度出于朝廷天不得凌小強不得凌弱也勞則又有湛恩

歲律而弱小受其庇矣。要見今日既無天子之威令而大國遂相凌逼意。

七月浣火

通章以陳邨俗之厚為主節。要見先公風化意。而衣食兩字又是一篇骨子。首章畧言衣食之預。中四章詳言寒之預。末三章詳言為食之預。總不出首章意。

首章備一篇大義。大寒在冬。而禦寒之備始于秋。收成在秋。而務農之事首于春。所謂預也。火星居陽六月正在南方。七月西流。是暑退寒來之兆。授衣。家長舉衣褐以授家衆也。一之日四句。正原所以授衣之故。歲發以風而寒栗。

契則無風而氣亦寒矣何以卒歲為民食而帶君說于耕
種中田之虛以終田器也寅月未便服耕而先為之備卯
月耕猶可緩而已趙田功故為治田早田暖雖為民喜而
亦無君要衣必先為衣第言耕尚未盡為食故云言衣食
之始

楊用修云說大威是入吹角也其聲悲慄故名威栗冬日
寒風驟發其聲似之

次章春日載陽五句對選三句一是采桑以供始生之
蠶一是采桑以飼未齊之蠶總是一時事載陽是日照前
威發栗烈者有當春而念及于寒意初中便欲得士無

貴賤皆力于沿蚕，所以同歸公子之女，感時傷悲也。味之
二句有無窮情景，還重在孝思。與下章擇哉命題，乃以力
于養桑為重耳。○按蚕之未出者，以簾帟而沃之，則易出。
今養蚕者皆然，故毛傳曰：所以生蚕，非以沃蚕也。

三章七月流火，與次章不同，所以將來古引起今歲養事。
此就已然言，以引起預備來歲養事也。要認標寒之備已
成，意薄如今簾帟可以棲蚕，養月四句已在上節桑桑內
了，只為言棲蚕之備，故重叙明養之事。見得蚕而衣衣而
再養歲，不改也。重在平取，不重愛養意。惟第之月并續
其麻，則一月而兩事也。賜以夏至鳴，且應陰氣之動，三陰

用華其鳴。韓尤多。則衆芳歇。而麻以時成矣。故可續。春三
句。總承委績。言玄黃朱。皆色之正者。故染以歇。不同於西
曰。公乎。有上下家人一體之意。言裳則衣在其中。不必穿
鑿。只會其說上大意為得。

四章有四句。言陰之由萌而盛而極。見于物者如此。以起
狩獵。非感物而知時也。凡物生于陽成于陰。莫盛得陰氣
之最先者。蚋亦陰類。然其依屬出則為秋之染。故發獵
貴武功。是即于狩之事名之。蓋古者狩以訓武。乃君率其
民。此只民自相率。則意在為禱。而武在其中也。一之曰止
是正卒。往二之曰則正卒戍卒俱往。故曰其同。雖新皆取。

其皮為亦可禦寒也。古者士坐犬承。

五章同言為衣。故及治室。蓋治室亦禦寒事耳。此章對前章。前章時變。此重物變。斯螽蟴屬。莎鷄。使蟻也。蟋蟀。蟄也。不必泥作一物。亦不必言應陰氣。只見自暑而漸寒。物亦鼓動于始。而收斂于寒。可見出而田者。不得不入而室也。箋謂自七月在野。至入我牀下。皆謂蟋蟀。良是。蓋古人章法多用倒插。類此。

六章眉壽以上。是豈于養老。下是薄于自奉。亦要者。滑稽。蓋老者生長。農家瓜瓞。直荼。何嘗不食。但鄉民之養其老。則特有菜醢春酒。以介眉壽。而不改以為常食耳。註老疾。

賓祭是老而有疾者，馮賓而助祭者，皆有介壽之意，故并言之。詩則止說養老，不必據賓祭獲稻為酒，是一臘事，照于冬而用于春，故曰春酒介訓助，如調和共血氣，請養其精神是也。與別處作頒請不同。

營其東是果蓏，菽是蔬，薪稭以稭為薪也。食介新實亦要理會去圓意。

七章註言外始農事，盛納稼為農之終，而思及播穀則農之始也。論當日相戒語意，原重治室。特說祥者，于言下看出勸農意耳。黍稷二句，備言納于場者，即所謂我稼之同也。有野入都邑，故曰上入，取茅索鉤，即是宮功，迨其字與

其始相應見稍之節欲乘屋而不可得矣。

末章祭韭以上是和藺藏水以待君啓水之祭下是相戒
滌塲以竹已視君之禮四之目二句正言所以亟趨水役
之故朋酒五句正言所以遠畢塲功之故冲上有遠趨意
獻羔祭韭祭司米之神也祭而啓水重節陽氣上滌塲不
是止掃塲也凡農功所未畢者汲之飲完事也朋酒新饗
只重享君註中鄉飲云々特引以解朋酒耳不必拘斯字
却宜玩有不容少緩且夕意思

鳴鴉

全詩重更宜上俱作鳥言正意隱之在言外首言鳴鴉

室未言風雨搖室皆暗指流言偶亂說

呼鴟鴞者呼武庚也取我子者二叔墮其術中也語意若
不歸咎二叔恩斯二句極言愛子以明取子之毒而見室
之必不可毀

次言溪夢室而預防其毀正承不可毀室來只寫得自家
謀圖的意思還不曾說到勤勞上吃緊在一邊字或取博
予亦底幾如是非斷無人侮也照下起飄搖自見

傳曰微剝也釋文土作杜方言東齊謂根曰杜

三章承上說蓋既思以未雨綢繆免下民之侮則一身勤
勞自不暇恤矣拮据言手辛瘠言口五文也惟手口並作

故手口俱病、蓄租皆虛字、謂持茶以積起來也、不平者、徹土綢繆與持茶蓄租、不必辨其孰先孰後、總是危苦之詞、一章自為一意、疊々相承、

手羽二句、聚承上章來、風雨二句、與陰雨相應、而下民之侮在其中、催青曉々、全為愛室苦心、不容自己、蓋一身勞瘁不足惜、而室家未安、深可哀也、勿以此為作詩之由、

東山○序箋曰、成王得金縢之書、親迎周公、歸攝政、三監與淮夷叛、周公乃東戡之、三年而後歸、

通作、歸士口氣、四章各自有欣慰意、而各從勞苦說起、痛

要將歸途自言意

我但二句在外之久也。我來二句歸途之勞也。曰歸而心
反悲從我。不將歸止來制彼棠衣二句是收拾作歸計而
亦見完師意矣。○謝却行枚與得廢車下亦無兩層但從
在東時意料漸說到在途時光景耳教字亦字俱堪尋味
若直說車下之安則意便索然。

次車皆途中意想之詞果廢六句作五件者伊威亦名委
黍似白魚多生在下濕處常惹着鼠臂故曰鼠負今說作
婦甯行獨不着地言蓋室廬荒廢則其飛行亦無定在矣
不可畏也二句只以畏字逼出懷字不要泥註中然豈可

長一轉。此凄凉光景。懷亦改懷。此凄凉地面也。若說為
家人聚此而不得。不懷便無味。

三章重婦嘆于室。我征幸至二句。見居者方思行者之勞。
而行者遠慰居者之望。光景宛然。鵲是水鳥。知天將雨。故
長鳴。不必休食。蟻註脚。鵲鳴是在途事。婦在家安得聞之。
只想他見零雨而悲。征夫之遇雨耳。有敦四句。念夫婦之
相見而言見。瓜栗又不言見之。可喜而只言不見之。已
久無限離合感慨。盡于言外。喜幸不足以盡之。
末章雖極舖張新保之樂。而無窮意趣。却在其舊句。與至
其儀止。註中移者。繫佩帶也。悅佩巾也。即縞也。結之者。欲

其受戒命固結而不怠也。親結句是戒命之禮。九十句是往送之禮。如之何有不能形容之意。細玩此章。即以足前章所未了。

破斧

破斧缺斨。正三年從征內事。亦舉勞苦而極言之也。周公二句從周公心上看。袁我人斯。緊頂四國者。皇者。匡其反側。使一干正。耽者。化其惡薄。使安于善道者。歛其渙散。使歸于一。蓋三監流言。則四國煽惑。周公止征一方。而曰四國者。所謂戮一人而千萬人懼也。耽與通俱。蒙是皇來。得字嘉字休字各根皇字耽字通字意說。

伐柯

此詩作于既見之後。只重在下章得見上。思前之難。正所以重今之幸也。

首章比意。不重斧與媒。重不克不深上。至于柯之則已。現在手中。則斧何事。求之子已遣。而成禮則媒亦無。所待矣。○昏禮用特豚。夫婦各一半。合非于舅祖。所謂同牢而食也。

九罍

東土喜見周公。匪為其服。而所以喜見公者。說不盡。亦寫不出。故只舉服言之。看他說個衮衣黼裳。便宛然有奔走

聚觀相顧贊嘆之狀。公歸無所。公歸不復。是明知留相王
宜為公之所。無復來理而心不忍捨。則說到信處。信宿已
見悲端。末章直寫自己一片悲意。無已之意。而公之當歸
被不暇恤矣。

狼跋

全詩要看註不失其常四字。動之安重。音之完美。皆公之
常也。俱本心之光明正大來。而未經詩人說出
與意以狼之進退皆病。起公之常。變自如。孫碩膚有遺疑
勛之美名也。公則何嘗有意于孫。凡人之所泥以為安故
几。為安。赤舄几。有進止不失尺寸之意。

余于衛鄭之詩多存小序以備參考蓋從序說則多寓
言否即諷刺之言殊堪令人尋味若樂作淫詩抹殺誰
護頌之詩三百篇皆夫子所存以備勸戒者余不忍菲
廢也